



МЕСЯЦА АПРÉЛЯ В 8-Й ДЕНЬ

Святых апóстол Иродиона, Агáва, Асинкрита,
Рúфа, Флэгонта и Ёрма, и иже с ними

НА ВЕЧЕРНИ
Стихиры, глас 4.

Подобен: Яко дóбля:

Срли́ яко крилати, / всю зéмлю претекóсте, /
честна́я учéния разсева́юще, / и плéвелы ис-
терза́юще лéсти благода́тию, / и многокласен
плод дéлающе, всехва́льнии, / егóже держáт
мысленныя житницы во вéки, / Дéлателью безсмёр-
тному богáтно соблюдаемь.

Иродиона, Агáва и Асинкрита, / Рúфа же и
Божéственнаго Флэгонта ублаж́им, / Лозы́ сýще
плодовитыя рóзги, / иска́пающа нам слáдость
спасительную, / веселя́щу жа́ждущая сердца́ / vé-
рою и́стинною / Божéственное сих соверша́ющих
торжествó.

Небесá б́вше, высокá мы́слию, / слáву возвещá-
юще Бóга нáшего, / вопло́щагося во́лею, Бого-
видцы апóстоли, / наста́вницы благочест́ивых, /
цérквей основáния, / столп́и непоколеб́имии, /
благочест́ия пристáнища, / неизглаго́ланных та́ин
служ́ителе, / световод́ителе душ нáших.

Слáва, и ны́не, Богорóдичен:

Яже Бóга Невмест́имаго / во чрéве Твоём
вмест́ившая, / человеколю́бно Челове́ка б́вша, / и

наше смещение из Тебе приимша, / и обоживша
яве, / не презри мене, Всечистая, ныне скорбяща, /
но ущедри скоро / и различные вражды же / и
вреда лукаваго свободи.

Крестобогородичен:

На Кресте Тя яко узре / пригвожденна,
Господи, / Агница и Мати Твоя дивляшеся / и — что
видение сие, — взываше, — / Сыне вожделенне? /
Сия Тебе неверный собор воздаде беззаконный, /
иже многих Твоих чудес насладивыйся. / Но слава
неизглаболанному / сошествию Твоему, Владыко.

Канон, егоже краегранесие: Апостолом исплетем
Божественную песнь. **Творение Иосифово.**
Глас 3.

Песнь 1

Ирмос: **Воды** древле / манием Божественным / во
едино сонмище совокупивый / и разделивый море
израильтеским людем, / сей Бог наш препрославлен
есть, / Тому единому поим, яко прославися.

Апостолов святых всесвятую согласно торже-
ствуим память / и тыя воспоим веселием душ: /
Пресвятое бо молят Слово очищение даровати
нам и милость.

Многобожнаго неистовства согнание отгнавше
слова солию Божественнаго, / души, славнии,
обувшия древле вся, уздрависте / и спасены
Зиждителю всех представисте: / тем и прославля-
етесь.

Славный Иродион, Руф, и Флегонт, и Агав, / и
Асинкрит, вкупе и Ерм песнями да ублажатся, /
ближнии бывше Избавителя нашего друзи, / и
мудрии апостоли, / и Божественнии проповедни-
цы.

Богородичен: Милостивая Богородице, апосто-
лов похвало, / и страстотерпцев слава, и верных
утверждение, / утверди, молюся, претворяемый
наветы лестца ум мой, / помраченный преступ-
леньми.

Песнь 3

Ирмос: **Иже** от не сущих вся приведый, / словом
созидаемая, / совершаемая Духом, / Вседержителю
Вышний, / в любви Твоей утверди мене.

Церковная бывше очеса, / многим отверзосте
очи видети доброту недомысленную, / Боговиднии
ученицы Божественнаго Слова.

Дом Троицы показался еси световиден, Руже
преславне, / и словом благодати требища низвергл
еси, / и создал еси Господу Церкви.

Словом твоим Божественным обновив, Руже
мудре, сердца, / засеяв спасительная учения, и
многплоден клас спасшихся пожал еси спасение.

Богородичен: По Существо Сыи Божественному
неприступен, Пречистая, / приступен мне ныне
бысть / и плоти приятием весь соединися крайняго
ради благоутробия.

Седален, глас 4.

Подобен: Вознесыйся:

Научившися от источника премудрости, / умуд-
ристе прежде неразумием служащия умовредно
истуканным, мудрии. / Темже блажими есте в век
века, престолу предстояще Святыя Троицы, / но
прилежно молитесь обрести разрешение прегрешений
наших, преславнии.

Слава, и ныне, Богородичен:

По Бозе во Твой, Богородице, прибегаю смиренный
покров Божественный, припадая, молюся: /
помилуй, Пречистая, яко превзыдоша главу мою
греси, / и боюся, Владычице, муки, и трепещу. /
Моление сотвори, Чистая, к Сыну Твоему от сих
избавити мя.

Крестобогородичен:

Иже от Безначальнаго Отца рожденнаго напоследок
Тя плотию рождающая, / на Кресте висяща,
зрящи, Христе, — увы Мне, любезнейший
Иисусе, — вопияше, — / како славимый яко Бог от
Ангел, / от беззаконных ныне человек, Сыне, хотя,
распинаешися? / Пою Тя, Долготерпеливе.

Песнь 4

Ирмос: Положил еси к нам твердую любовь,
Господи, / Единороднаго бо Твоего Сына за ны на
смерть дал еси. / Темже Ти зовем, благодаряще: /
слава силе Твоей, Господи.

Врачевание верным языком Божественное приносяще, / землю нечестия лукавную, разорению, мудрии, предасте и создасте души в вере, / сего ради ублажаетесь.

В силу тобою, Иродионе блаженне, облечеса град Патрский прейявленно: / первый бо ты престол украсил еси, / Божественными просвещаемь светолитии Святаго Духа.

Град Патрский гражданином тобою великим обогатися, / блаженне Иродионе, воистинну, / к Сиону вьшнему приводящим сий в правду, / темже почитает тя Божественными песнопеньми.

Богородичен: Слово священным Отчее Слово зачала еси, / всякаго безсловесия человеки, Богородительнице Дево, избавляюща. / Темже словеси всегда велегласно Божественными Тя славим.

Песнь 5

Ирмос: На земли невидимый явился еси / и человеком волею сожил еси, Непостижимый, / и, к Тебе утренююще, / воспеваем Тя, Человеколюбче.

На землю пришедша, еже спасти заблуждшаго, / проповедаете Слово, Божественнии апостоли, / и от лести вся человеки избависте.

Страннолепно пророчества тебе благодать / от Бога излися богато, Богомудре Агаве, / провозглашаеши бо сказание хотящих быти явлено.

Явился еси иногда, прознаменуя Павлу / наветы, и узы, и озлобления, пророче Агаве, / егда руки твоя онаго поясом связал еси.

Богородичен: Единая на земли рождество имела еси странно, / единех нас примиряючи единому Пребезначальному Отцу. / Сего ради едину Тя, яко Матерь Бога, чтим.

Песнь 6

Ирмос: Бездна последняя грехов обыде мя, / и исчезает дух мой, / но прострый, Владыко, высокую Твою мьшцу, / яко Петра, мя, Управителю, спаси.

Положи, свещи яко светозарны, вас Слово, вселенную просвещающия, / и тьму решающия, Боговидцы апостоли, / и показующия путь спасительный.

Мёртвость проповедуя Безсмертнаго, / умерщвлённых к Животу преставляше мудрый Асинкрит, / апостолов похвала, Иркании же твёрдое ограждение.

Обрете ты, Асинкрите, реку, вод исполнену Иркания Духа, / и, честными напоения твоими напоившись, / принесё краснейшая Владыце прозябения.

Богородичен: Закона Ты образоваше кивот, / приёмшую закона Божественнаго исполнение, / и плотию рождшую, и по рождестве пребывшую Приснодеву, / яко прежде рождества, Богоневесто.

Кондак, глас 2.

Подобен: Выхших ищя:

Явистесь Христовы ученицы и апостоли Всечестнии, / Иродионе славне, Агаве и Руфе, / Асинкрите, Флегонте со Ермом, / присно молитесь Господеву / подати нам согрешений прощение, поющим вас.

Песнь 7

Ирмос: Прежде образу златому, / персидскому чтялицу, / отроки не поклоняшася трие, / поюще посреде пещи: / отцев Бже, благословен еси.

Основавше добре на камени веры языков исполнения, / камение древле чтущия все / просветите яве, Богоглаголивии.

Попалил еси, Флегонте священне, / огнем Божественных словес твоих всяко лестное терние / и сердца, оканно угасшая, / теплотою Духа вжегл еси явлено.

Марафонстии жители, предстателя ты величайша, и учителя изрядна, / и светильника, и наставника имуща, Флегонте славне, / почитают ты непрестанно.

Богородичен: Нов рай нам, жизни древо, Чистая, стяжавши, была еси, / егоже снедь снедию умерщвлённых оживи, / Чистая Богородительнице.

Песнь 8

Ирмос: Вавилонская пещь отроки не опали, / ниже Божества Огнь Деву растли. / Тем со отроки, вернии, возопиём: / благословите, дела Господня, Господа.

Да ублажится Агав, Флэгонт и Асинкрит, Руф и Ерм славный и Иродион днесь, / Слова бывше Божественнии апостоли, и светила мира, / и языков учителие.

Ерм преславный Далматии бысть всея наставник и просвещение: / на сию бо, яко солнце многосветло, найде, / творя дивная и просвещая сердца, невидящая पहले.

Слово, яко светильник сияющ, Эрме, нося, славне, / сущия в нощи лютых седящая просветил еси, / исцеления и знамения творя велика, / привлекл еси к вере неверных исполнение.

Богородичен: Тя предстательство имамы, Пречистая, раби Твой, / и к Сыну Твоему и Богу Ходатаицу непостыдну, / от бед ны спаси и лютых напастей, / да верою и любовью присно Тя славим.

Песнь 9

Ирмос: Купиною и огнем прописанную / в Синаи законоположнику Моисею / и Божий во чреве неопально зачешую Огнь, / всесветлую и негасимую свещу, / сущую Богородицу песньми, чтуще, величаем.

Священнейший лик составим верно, / единомышлением души блажаще тепло Эрма и Иродиона, Руфа, Агава, / Асинкрита же великаго и Флэгонта Божественнаго, / яко Слова самовидцы бывшия.

Яко маслины тайныя явлени воистинну, Богоглаголивии, / наша умастиша души и лица благодатию / и избавиша от безбожнаго насилия и тьмы неразумия. / Темже и достойно ублажаются.

Стенаний ны многих, и работы вражия, / и ветхаго запинателя избависте, мудрии Избавителивы апостоли, / и покажете стези, ведущия Божественною надеждою к Царству Небесному.

Шестосветная свеще святых ученик, / моли прилежно Трисолнечную Зарю просветити души наша, / всесветлую совершающих вашу память, / и избавити от тьмы и вечнаго осуждения.

Богородичен: Якоже пламеносная клеца, прияла еси во утробе угль разумный, / поपालяющ наша страсти, и просвещающ души наша, / и

решащ тьму идолонействовства, Чйстая Дёво многопётая.

Святые апостолы от 70-ти: Иродион (Родион), Агав, Асинкрит, Руф, Флегонт, Ерм.

Святой апостол Иродион (Родион) был родственником святого апостола Павла и происходил из одного с ним города Тарса Киликийского (Малая Азия, ныне г. Тарсус в Турции). Житие его свидетельствует, что с самого основания Церкви он служил святым апостолам, и был поставлен епископом в г. Патрасе (ныне г. Патры в Греции). Святой апостол Иродион проповедовал преимущественно среди эллинов, зная греческий язык как родной, а отчасти и греческую философию, так что мог говорить «с эллинами как эллин», по слову святого апостола Павла, и пользовался среди греческого населения большим влиянием. Успехом христианской проповеди он возбудил ненависть иудеев, живших в Греции, особенно старейшин. На святого Иродиона напала уличная толпа, которая жестоко избивала его и бросила на улице, сочтя мертвым. Христиане подняли апостола Иродиона и помогли его выздоровлению. Из Патраса он отправился в Рим помогать святому апостолу Петру в устройении Римской Церкви. Святой апостол Павел в Послании к Римлянам упоминает о нем (Рим. 16, 11) и просит Римскую христианскую общину принять «Иродиона, сродника его». В 67 году в Риме апостол Петр был распят; в этот же день был обезглавлен апостол Иродион со множеством верных.

Апостол Агав, первохристианский пророк, упомянут в Деяниях апостолов дважды: в первый раз в связи с тем, что предсказал великий голод в Иудее при Клавдии (Деян. 11, 27—30), то есть голод 44—48 годов, когда Антиохийская христианская община заблаговременно собрала средства и послала братии в Иерусалим. Он же предсказал святому апостолу Павлу, что ждет его в Иерусалиме: «Взял пояс Павлов и, связав им себе руки и ноги, сказал: «Так говорит Дух Святый: мужа, чей этот пояс, так свяжут в Иерусалиме иудеи и предадут в

руки язычников» (Деян. 21, 11). По преданию, святой пророк и апостол Агав мученически скончался в Антиохии (ныне г. Антакья в Турции).

Апостол Асинкрит был епископом в Гиркании Асийской (область на юго-восточном побережье Каспийского моря). О нем сказано в Послании к Римлянам (Рим. 16, 14); следовательно, в то время он находился в Риме вместе с апостолом Петром. Впоследствии претерпел мученическую кончину.

Апостол Руф был сыном земледельца Симона, уроженца г. Киринаея (ныне г. Шаххат в Ливии), который нес Крест Христов на Голгофу: «И заставили проходящего некоего Киринаеянина Симона, отца Александра и Руфова, идущего с поля, нести крест Его» (Мк. 15, 21). Следовательно, с самой ранней юности Руф слышал свидетельства о земной жизни Христа, о Его чудесах и знамениях, о Его распятии и Светлом Воскресении. Впоследствии Руф был поставлен святыми первоверховными апостолами во епископа г. Фивы в Средней Греции. Во время написания Послания к Римлянам он был с апостолом Петром в Риме (Рим. 16, 13).

Апостол Флегонт, римлянин по рождению, был избран из Римской христианской общины святым апостолом Петром: он упомянут святым апостолом Павлом в Послании к Римлянам (Рим. 16, 14); впоследствии был епископом в г. Марафоне во Фракии (ныне в Югославии).

Апостол Ерм также находился со святым апостолом Петром в Риме во время написания апостолом Павлом Послания к Римлянам (Рим. 16, 14). Был епископом в г. Филиппах в Македонии (ныне г. Пловдив в Болгарии). Замучен язычниками в самом начале II века.

Все названные святые апостолы приняли мученическую кончину за Христа Спасителя. Место и время кончины некоторых из них не сохранились. Память их совершается 8 апреля.



**Святителя Нифонта,
епископа Новгородскаго**

ВЕЧЕР

На Господи, возвах: стихиры, глас 4.

Подобен: Яко дбля:

Святителем удобрение / и ревнителя благочестия / псньми днесь, людие, почтим, / любовию похвальные венцы плетуще / и кланяюща раце мощей достоблаженнаго отца, / молебными гласы воззовем: / святе иерарше Христов Нифонте, / яко имея дерзновение к Богу, / не забуди, прилежно моляся, / представлять о стаде твоём быну.

Язык медоточных твоих устен, / святителю преблаженне Нифонте, / трость Духа Святаго сущи, / низложи гордыню ты ненавидящих, / и ныне гордынею на стадо твоё востающия посрами враги / и нас, во православных догматах укрепляя, / заступлением твоим спаси, / яко да от чистыя совести / любовию приносим о тебе Богу хваление.

Озарен светом Божия благодати, / просиял еси, якоже солнце, в мире / и лучами твоих добродетелей / просветил еси многия страны, / темже, указанием от еже свыше, / избран был еси, преподобне, / от всех согласно пастырь словесному стаду, / о немже и по отшествии твоём молися прилежно, / сохранитися от врагов ненаветованну.

Слава, глас 2:

Приидите, новгородстии православных собори, / торжество днесь в летней памяти преблаженнаго отца / любовию с нами составльше, / дадим славу Избавителю Богу, / яко даде нам пастыря, и учителя, / и молитвенника о душах наших.

**И ныне, Богородичен или
Крестобогородичен.**

На стихóвне, в Триóди.

Сла́ва, глас 4:

Храм Ду́ху Свято́му се́рдце свое́ устро́я, / хра́мы моли́твенныя ко умно́жению сла́вы Бо́жия воздв́игнул еси́, / я́же боголе́пно предукра́сив, / сло́весныя сво́я о́вцы а́ки в Небе́сную огра́ду собира́л еси́ / и предлага́л им па́жить сла́дкаго и Богоду́хно́веннаго твоего́ уче́ния, / наста́вляя и вразумля́я на путь благоче́стия и спасе́ния, / нань же и нас моли́твами тво́ими наста́ви, / преподо́бне о́тче, / я́ко да всегда́ прославля́ем Еди́наго Бо́га / и Спа́са душ на́ших.

И ны́не, Богоро́дичен или́ Крестобогоро́дичен.

Тропа́рь, глас 3:

Я́ко сый нра́вом правосла́вных / Восто́чныя Църкве преда́ний и́стинный защи́тник, / сподо́бился еси́ вели́каго во отце́х Феодо́сия / ви́дети по сме́рти, я́ко жи́ва, / возвеща́ющая тебе́ Ца́рствия Небе́снаго насле́дие, / е́гоже неизрече́нных добро́т / ны́не с ним неразлу́чно наслажда́ясь, / моли́ и о нас, ча́дех сво́их, Ни́фонте прехва́льне.

Сла́ва, и ны́не, Богоро́дичен.

НА УТРЕНИ

Кано́н святите́лю, глас 1.

Песнь 1

Ирмо́с: Твоя́ победи́тельная десни́ца / боголе́пно в кре́пости просла́вился: / та бо, Безсме́ртне, / я́ко всемо́гущая проти́вныя сотре́, / израи́льтяном путь глуби́ны новосоде́лавшая.

Твоя́ десни́ца, Христе́ мой, / да наста́вит мя в дне́шний день пе́ти па́мять уго́дника Твоего́, / стира́я запина́ющия ми враги́ / и путь, страстьми́ о́ветшавший, во утробе́ мое́й обновля́я.

Благода́ть Паракли́та Твоего́ посла́в, Христе́, рабу́ Твоему́, / призва́л еси́ в след Тебе́ тещи́: / я́же а́бие отве́ржеся ми́ра и возлюби́ зако́н Твой, / путь в любви́ Твое́й обновля́ющ.

Твоёю мѣшцею наставлен преподобный Твой, Господи, / прииде к безбурному пристанищу / в пречестную Матере Твоея Печёрскую обитель, / и бысть инок, иночествуя добродетельными нравами.

Просия далече добродетель твоя, отче, / юже видяще, мнози величаху тя, / и прославляху Небеснаго Отца, давшего тебе благодать сицевую, / еже и мы да не лишимся твоими, отче, исправлениями.

Богородичен: Буди ми Руководительница, Богоневестная Дево, / руководящи на спасенную стезю, / и душу мою, страстьми обветшавшую, обновляючи, Марие, Твоими щедротами.

Песнь 3

Ирмос: Еди́не, ве́дый челове́ческаго существа́ не́мощь / и ми́лостивно в не вообра́жся, / препоя́ши мя с вы́соты́ си́лою, / еже вопи́ти Тебе́, Святы́й, / одушевле́нный хра́ме неизрече́нныя сла́вы Твое́я, Человеколю́бче.

Еди́н путь прав ви́дя ве́рный раб Твой, / еже при́йти в жи́зни сей Крест Твой / и Тебе́, Влады́ще своему́, последовати, / а́бие к Тому́ спешно потекл есть, / тем ны́не неизрече́нныя сла́вы Твое́я насыща́ется, Человеколю́бче.

Еди́ному Бо́гу от чи́стаго се́рдца моли́твы твоя́ непреста́нно возсыла́я, / немо́щнаго врага́ ко́зни разруши́л еси́, уби́в того́ копи́ем ве́ры, / тем при́ял еси́, святите́лю, вене́ц сла́вы от Христа́ Человеколю́бца.

Бде́нием и постом горé возлетев, / не изводи́л еси́ ума́ своего́ до́лу к скоротеку́щим / и сицевы́м де́янием стяжа́л еси́ видение́ Бо́жия сла́вы, / ю́же и нам уллучи́ти моли́ Иису́са Человеколю́бца.

Та́ко просвети́ся жити́е твоё́ пред челове́ки, / я́ко ви́девше добродетели́ твоя́, отче, / избра́ша тя на престол́ архиере́йский Нову́граду, ему́же и был еси́ па́стырь, / Па́стырена́чальнику приводя́ своя́ о́вцы, Иису́су Человеколю́бцу.

Богородичен: Па́стырена́чальника Ма́ти Чи́стая су́щи, / заблуждшее́ мя овча́ на путь пра́вый наста́ви и упра́ви живо́т мой, / да, Тобо́ю управлен, сподо́блюся насы́титися сла́вы Иису́са Человеколю́бца.

Седáлен, глас 4:

Ревностию зело́ о Правосла́вии подви́заяся, / умножа́л еси́ в па́стве тво́ей сла́ву Бо́жию, / и ны́не ўбо прославля́яся иде́же глас пра́зднующих непреста́нно, / моли́ о чту́щих па́мь твою́, Ни́фонте, о́тче свяще́нейший.

Сла́ва, и ны́не, Богоро́дичен:

Яко ро́ждшая сла́вы Го́спода, / шу́ияго нас безсла́внаго стоя́ния свобо́ждши, / прича́стники сла́вы святы́х бы́ти сподо́би / и просла́ви чту́щих рождество́ Твое́, Чи́стая.

Песнь 4

Ирмо́с: Го́ру Тя, благода́тию Бо́жиею приосене́нную, / прозорли́выма Авваку́м усмотрив о́чима, / из Тебе́ изы́ти Изра́илеву провозглаша́ше свято́му / во спасе́ние на́ше и обновле́ние.

Горю́ высокоумия́ ходя́щих смири́л еси́, блаже́нне, / не дав междоусо́бныя бра́ни сотвори́ти, / но благослови́л еси́ ми́ром, / приве́д тех ко спасе́нию и любви́ обновле́нию.

Словесе́м апо́стольским послéдуя, / благовре́менно и безвре́менно настоя́л еси́, о́тче, / всею́ си́лою завеща́ая своим о́вца́м не удаля́тися от за́поведей Госпо́дних / и от пра́вильных Це́ркве Его́ преда́ний, / я́ко та су́ть на спасе́ние на́ше и обновле́ние.

Дерзость твою́, святите́лю, кто испове́сть, / глаго́лал бо еси́ о свиде́ниях Госпо́дних пред ца́ри, не стыдя́ся диады́мы, / тем был еси́ второ́й Предте́ча, облича́я дея́ния беззако́нныя.

Тело́ свое́ не Христу́, но блуже́нию беззако́нным бра́ком преда́ющих князе́й / дерзнове́нно обличи́л еси́, / апо́стольски повеле́ая Це́ркви сво́ей и всему́ кля́иру / сицевы́х, безчи́нно ходя́щих, отме́таться.

Богоро́дичен: Беззако́ннующа мя испра́ви / и разсви́репешия́ во мне страсти́ смири́, Богоро́дице, / да Тобо́ю тех свобо́дь быв, обря́щу отра́ду, / Ты бо еси́ Еди́на всех нас спасе́ние и обновле́ние.

Песнь 5

Ирмос: *Просветивый сиянием / пришествия Твоего, Христэ, / и осветивый Крестом Твоим мира концы, / сердца просвети светом Твоего Богоразумия / православно поющих Тя.*

Второго ты Феодора Студийскаго поёт Церковь Российская, блаженне, / дерзости ради и исповедания / и призывает к духовному веселию любвию, отче, хвалящих тя.

Ты неправильно ходящим сопротивостал еси, преподобне, / никакоже соизволяя без благословения Вселенскаго Константина града Патриарха произвести на престол архиерея / и нечестно дати волка в пастыря овцам, благочестно Христа славящим.

Чести достоин еси, святе, / яко на честь святительства главою Климента святого возводящим не соизволил еси, / паче же обличив, с человекоугодники сих собор осудил еси.

Истинный сын Восточнаго Вселенскаго престола сый, / сыном Российским не соизволял еси от первенства своего отставати, / но достоверно исповедал еси то исперва рукописанием утверждено быти, / да изволением природнаго пастыря своего, Константина града Патриарха, / все творимо будет.

Богородичен: *Благословением род человеческий Венчавшая, / благословения избранных нас сподоби / и славу Сладчайшаго Сына Твоего зрети даждь правоверно хвалящим Тя.*

Песнь 6

Ирмос: *Обыде нас последняя бездна, / несть избавляяй, / вменихомся, яко овцы заколения, / спаси люди Твоя, Боже наш, / Ты бо крепость немощствующих и исправление.*

Обыде ты злобою архиерей, ненавидяй правды, / не сообщался бо еси ему, яко неправедно престол похитившу, / но ты, отче, не утрашился еси того, имеяй надежду на Бога, / Иже есть крепость немощных и исправление.

Удержати ты, блаженне, не удержаннаго, покушаяся, архиерей / наустить князя в заточение ты

послáти/ и удержá самагó, язýка же твоегó не удержá,/ обличíл бо есí тогó, я́ко незаконно престóл похíтивша.

Словеса́ тво́я бы́ша меч беззакóнным,/ íмже посéкл есí тех неýстовство,/ сегó ра́ди и ненави́дяху ты и престóла отлучíша,/ но ты не малодúшествовал есí, óтче,/ блажéнства изгнáнных прáвды ра́ди надéяся.

Обличéние твоё, святítелю Нíфонте, я́зва бысть нечестíвым,/ снадáше бо их я́ко законопрестúпных,/ и распыхáхуся сердцы, скрежéщуще зубы́ звéрски,/ хотя́ще ты растерзáти.

Богорóдичен: Обыдо́ша нас мы́сленнии звéри, скрежéщуще зубы́,/ и ра́дуются о погíбели на́шей,/ но Ты, я́ко сильна́ в крéпости, Дéво, сокрушí им чéлюсти/ и нас испрáви протíву тем стáти,/ Ты бо есí крéпость немощным и исправлéние.

Конда́к, глас 5:

Рéвности дрéвних отéц/ в твёрдом íстинных догмáт хранéнии подóбся,/ крепкоúмне Нíфонте,/ не восхотéл есí восхíтившему самовóльне престóл Митропóлии Клі́му сослужítель бы́ти,/ избрáнному же на се от всех, покóрся,/ священнолéпне с ним служíл есí/ и, жизнь свою́ скончáв,/ обрéл есí безконéчное Цáрство Христо́во.

Песнь 7

Ирмо́с: Тебе́, úмную, Богорóдице, пещь/ рассмотрим, вёрнии,/ я́коже бо óтроки спасé три Превозносíмый,/ мир обновí, во чрéве Твоём всецёл,/ хва́льный отцёв Бог и препрослáвлен.

Ты, óтче блажéннейший, в обítели многочудéней, я́ко в Черто́зе Небéсном живы́й,/ ра́дуясь, благодарственная́ воздава́л есí всех Царíце и Сладча́йшему Сы́ну Ея́, поя́:/ отцёв Бóже, благословéн есí.

Дерзновéнно став, преподóбне, Правослáвия ра́ди,/ лишíлся есí от законопрестúпных престóла своего́,/ но престóл тебе́ готóвяшеся во оградé Небéсной,/ я́ко íстинному свидéтелю прáвды.

Вíдя Пастыреначáльник óвцы тво́я, укусо́нением тво́им смятённы,/ па́ки ты па́стыря им подаёт,/ íбо

зло творяй праведным судом Божиим сам зло сугубо прият / и отлучивый ты престола сам отпадэ престола.

Христоролюбивый князь Георгий, Изяслава праведно с престола княжения изгнав, / со мною честию отпусти ты на престол твой, / на немже узревше ты, овцы твои, преподобне, с радостию воспеша: / отцев Боже, благословен еси.

Богородичен: Праведно низпадший род человеческий от Божия благодати / возставила еси пречистым рождеством Твоим, Богомати, / сего ради радостно поет Ти во вся роды, Благословенная.

Песнь 8

Ирмос: В пещи отроцы Израилевы, / якоже в горниле, / доброту благочестия чистее злата блестяхуся, глаголюще: / благословите, вся дела Господня, Господа, / пойте и превозносите во вся веки.

В пещи искушений и в пламени ласкания законопреступных / егда тебе неопалившася слыша Вселенский Константин града Патриарх, / ублажи мужество твоё, отче, и причте ты к древним исповедником, / с нимиже ныне поёши Господа во веки.

Видя твоё дерзновение, в книзе живых написано, / Патриарх Константин града присла и своё к тебе написанное послание, / в немже ублажаше твою о Православии ревность, / юже поминающе, и сынове российсти превозносят Господа во веки.

Сугубым желанием распалаемь, святителю, спешно пришёл еси в град Киев, / желая Богоматери в обители Печёрской и преподобным отцем поклониться, / такожде от грядущаго архиерея благословение прийти. / Темже дивно видение видети сподобился еси, / яко святыи Феодосий глагола тебе: / отселе будеши с нами неразлучно, слава и поя Господа во веки.

Яко птенец, любя гнездо, на холме Печёрском от Чистыя Голубицы созданное, / любезно желал еси в нем жити неисходно, / аще же и привлече ты

желáние сицевое, / но Бóжий Прóмысл уготóваше
отшествовие твоё от врёмённых к вёчным.

Богорóдичен: Птенёц есмь, в Твоёй оградё,
Влады́чице моя, рождённый, / но низпадóх, улов-
лён бесóвскими прилóги, / обáче молю́ся: приведи́
мя па́ки во óну, / да иде́же нача́ло, та́мо и кончи́ну
прииму́ благо́ую / и со святы́ми отцы́ превозношу́
си́лу Твою́ во ве́ки.

Песнь 9

Ирмос: Образ чыстаго рождества Твоего / огне-
пáлимая купина́ показá неопáльная / и ны́не на нас
напа́стей свирéпеющую угаси́ти, мо́лимся, пещь, /
да Тя, Богорóдице, / непреста́нно велича́ем.

Образом чúднаго видёния извести́ тебе, свя́те,
всех Влады́ка, / я́ко имаши по трудéх в поко́йная
отыти́ места́, / иде́же сла́вят немóлчно Трóицу
Пресвяту́ю а́нгельския си́лы, / Ю́же и мы с ни́ми
велича́ем.

В то́нок сон низвёдся, / возмнёлся еси́, óтче, в
цёркви Печёрской сто́я, простира́ти к Пречы́стей
Богорóдице мо́льбу, / да ви́диши лице́ блаже́ннаго
Феодóсия, / и бысть, я́коже восхотёл еси́.

По желáнию твоёму́, в видёнии не́кто от бра́тий,
поёмь, преподо́бне, / приведе́ тя ко блаже́нному
Феодóсию, / егóже радостне узрév, я́лся еси́ за нóзе
и благословёния сподóбился еси́. / Желáнием сегó
и мы одержи́ми, Трóицу Пресвяту́ю велича́ем.

О сла́дкаго глása! / О, добра́го целова́ния отца́
нашего, / рече́ бо: отселе́ будеши с на́ми, и показá
ти свýток, в нёмже́ бе напи́сано: се аз и дёти мой. /
Сей глас и мы да услы́шим, мо́лимся Бóжией
Ма́тери, / и присно́ Сию́ с тобо́ю, óтче, велича́ем.

Богорóдичен: Ра́дуйся, свýтче, Пресвята́я Дёво, /
в Тебе́ бо написáся пёрстом Бóжиим Предвёчное
Слóво. / Ты же нас напиши́ во свýтце с рабы́
Твои́ми, / вы́ну бо о сем Тебе́ мо́лимся и пёсньми Тя
велича́ем.

Свети́лен:

А́нгельски на земл́и пож́ив, / А́нгелом сожы́тель
яв́ился еси́, / преста́вився бо от ни́жних, к Вы́шним
отшёл еси́, / иде́же предсто́я Влады́ще всех Бóгу, /
моли́ о чту́щих па́мь твою́, Ни́фонте блаже́нне.

Сла́ва, и ны́не, Богоро́дичен:

Вѣшних чиноначалій превѣшшая сущи, / нас,
нижних, не отступай, / но присно с нами буди,
свобождаючи от всяких наветов, / Твою бо крепкую
о нас помощь видяще, / никтоже востанет на ны.

На хвалитех стихиры, глас 4:

В благонароचितый день памяти Богоноснаго
отца / приидите, христоименити людие, радостно
взыграем, / песни похвальные приносяще, / и,
сладостью духовною учреждающесе, / любовьию
возопийм: / Нифонте, отче священнейший, / моли-
ся Христу Богу / о спасении душ наших.

Плодоносим ти, отче преподобне, / в днешний
день любовьию песенных дары, / поминающе ис-
правления твоих добродетелей, / и молимся Хри-
сту Богу, / яко да, вредных помышлений
избежавше, / исправим жизнь нашу в благих
деяниях / и Небесныя почести не лишимся / молит-
вами твоими.

Кто по достоянию восхвалити возможет / свя-
тыя Твоя, Христе Боже, / яко, любовьию Твоею
уязвившесе, / вся земная презреша, / и, во плоти
сущи, безплотнаго врага победиша, / и ныне с
Безплотными на Небеси веселятся, / ихже ликосто-
яния и нас сподоби / святителя Твоего молитвами.

Сла́ва, глас 6:

Святителем удобрение и отец славу, / источни-
ка чудес и верных скорого пособника, / днесь,
празднолюбнии людие, в пречестный храм
сошедшесе, / хвалами воспоем, глаголюще: / раду-
йся, подвижниче добрый; / радуйся, бодрый пасты-
рю словесных овец; / радуйся, мысленнаго волка
от стада твоего жезлом веры отгнавый / и всецело
к Пастыреначальнику твоему приведи, / Ему же
присно и о нас молися, / яко да сохранимся от всех
врагов невредими / и будем наследницы жизни
вечныя.

И ныне, Богородичен: Богородице, Ты еси лоза
истинная:

Славословие великое и отпуст.

На Литургии служба обща святителю.

**И́на слѹжба ѿже во святы́х
отца́ на́шего Нифонта,
епіскопа Вели́каго Нова́града**

ВѢЧЕР

**Блажен муж: 1-й антифѡн. На Господи, воззвах:
стихи́ры праздника 4 и святителю стихи́ры,
глас 8.**

Подобен: О, пресла́внаго чудесе́:

**Отче Богомудре, святителю Христов Нифонте, /
ты от юности молитвами своими и постом, / и
бдением же, и милостынею / Бѡгови соедини́ся, /
те́мже Дѹху Свято́му дом и жилище показáся, /
отню́ду же архиерей Цѣркви Христовы был еси́ / и
людем и учитель, и наставник благочестно
показáся, / те́мже мо́лим: / моли́ Христа́ Бѡга спа-
сти́ся душáм на́шим.**

**Святителю Христов, преподобне Нифонте, /
ты, повинүясь заповеди Вседержителя Бѡга, / от
юности своей Того́ стопáм, святителю, последовал
еси́, / и наставник и учитель вели́кому Новугра́ду
был еси́; / те́мже от Господа неоску́дну благодать
прия́л еси́, / де́йствовати пресла́вная чудеса́ / и
дѹхи прогоніти лука́выя от всех, / ѿже любѡвию
чтүщих тя.**

**Отче вели́кий, архиерей Нифонте, / ты от
Господа дарованіе чудесем прия́л еси́: / ещѣ в
жизни сый, / сподобился еси́ в видѣнии, / в Божѣ-
ственном алтарі видети вели́ких отѣц / Антонія и
Феодосія, учителей своих, / сказүющих отшѣствие
твоѣ к Бѡгу / и водворѣние со все́ми святы́ми отцы́
в Небесных обителех, / ты же, отче, радостно от
святы́х извещѣнія прия́л еси́, / по мале же и сам
сподобился еси́ с ними вселѣнія. / Моли́ спасти́ся
душáм на́шим.**

**Отче Христов, угѡдниче Нифонте, / ты кроток
и незлѡбив в сей жизни / да́же и до исхода души́
своей пребы́л еси́, / дѡндеже обрѣл еси́ любімых
отѣц Анто́нія и Феодосія / и с ними, отче,**

вселился еси во двóрех Гóспода на Небéсных
кру́зех, / иде́же глас прáзднования и весéлия, / и за
ны моли́ Влады́ку Гóспода непрестáнно, / спаст́ся
душáм нáшим.

Слáва, глас 6, самогласен:

Егдá Бóгу ти поспешествую́щу, / святítелю Хри-
стóв Нифонте, / предуве́дев своё́ е́же к Бóгу из
телеси́ преслáвное изше́ствие, / вели́каго и стóль-
наго гра́да Кíева достíгл еси́ / и во обítель
Печёрскую Пречíстыя Богомáтере пришёл еси́, /
Ейже желáл еси́ помолíтися, / иде́же и ярём
Христóв сподóбился еси́ прíяти, / и тáмо святую́
ду́шу свою́ чéстно Гóсподеви прéдал еси́; / и
святýя тво́я мóщи положéны б́ша чéстно / с
вели́кими отцы́ Антóнием и Феодóсием, / е́же в
житий своём мно́го желáл еси́, / сиé обрёл еси́, óтче
священне, по своему́ желáнию, / и ны́не моли́ся о
нас ко Гóсподу со отцы́ преподóбными, / спаст́ся
душáм нáшим.

И ны́не, прáздника.

Вход. Прокíмен дне и чтéния три святítельская
(зри страницы 283—285).

На литíи стихíры, глас 4. Самогласны:

Вели́каго архиере́я и святítеля Христóва / Нí-
фонта блаже́ннаго / священную пáмять днесь
сверша́юще Божéственными пéснями, / приидíte,
все лю́дие вели́каго Новáграда, / и священных
мно́жества, и ли́ки отéц, / почт́м тогó, о нас всегда́
моля́щаяся, / прося́ще ниспослáти мно́жество
щедрóт / и спасéние душáм нáшим.

Твоегó жития́ вели́каго рáди и чистоты́, /
святítелю Христóв Нифонте, / сы́на тя свéта и дне
Христóс показу́ет / и архиере́я и пáстыря Цéркви
Свое́я соделова́ет, / ейже послужил еси́ на престó-
ле Вели́каго Новáграда, / я́ко пáстырь изря́ден, / и
ко обítелем Небéсным восходи́ши. / О нас прíсно
моли́, спаст́ся душáм нáшим.

На земл́и, я́ко А́нгел, с плóтию пожил еси́, /
всеблаже́нне святítелю Христóв Нифонте, / и над
страстьми́ воцар́ися, / ху́ждшее покорил еси́

лучшему, / темже прииде к непреходящему Царствию. / Моли присно Бога / верно чтущим тя грехов оставление даровати / и велию милость.

Слава, глас 5:

Преподобне отче, / святителю Христов Нифонте преславне, / учився в стаде Божественных отец Антония и Феодосия, / почерпл еси, яко губа напоема, / сих Божественному поревновав пути, / пожив, сподобился еси честнаго архиерейства, / и был достоин иерей Христа Бога, / и, очищаем Божественными зарями / и просвещаяся умом и мыслию, / вознесся в видения тайная ко изрядному блаженству, / отче преподобне, молитвенниче о душах наших.

И ныне, Богородичен.

На стиховне стихиры, глас 2.

Подобен: Дому Евфрафов:

Святителю Христов и Богоносе Нифонте, / ты явися от младых ногтей / Христу Богу нашему / сосуд освящен / и жилище Пресвятаго Духа.

Стих: Священницы Твой облекутся в правду, / и преподобнии Твой возрадуются.

Святителем похвалы / и священником слава, / правило иночествующим, / угодниче Христов Нифонте, явися / и Церкви утверждение.

Стих: Блажен муж, бояйся Господа, / в заповедех Его восхощет зело.

Услыши мольбу / чад твоих, отче святителю Нифонте, / и не премолчи, моляся за рабы своя ко Владыце, / и сердечная прошения не презри, / но подавай с тихостию любящим тя утешение.

Слава, глас 6:

Твоя великая и всечестная Лавра, / юже ты состави многими труды и молитвами, / отче святителю Христов Нифонте, / в приснословущем граде Пскове / над Мирожью рекою, / яко труба, вопиет к Богу, / великий же Новгород вельми ты похваляет, / насладившися учений твоих медоточных, / град же Киев и Печерская обитель / пресветло память твою празднуют, / ты, яко стену неразоришу и

столп непоколебим, имуще./ Мы же, чада твоя,
иноцы,/ учением твоим наставляеми/ и ныне
преславное твоё успение празднующе, молимся:/
моли спастися душам нашим.

И ныне, праздника.

Тропарь, глас 4:

От мирскаго мятежа из младых ногтей/ исшед в
тихое пристанище,/ честныя обители Печёр-
ския достигл еси/ и, тамо ярем Христов восприим
на ся,/ равно Ангелом житие поживе,/ отнюду же
пришед, святителю Христов Нифонте, в великий
Новград,/ и архиерейский престол восприял еси/
и многи люди учением своим ко Христу привел
еси,/ Егоже моли, святителю преподобне, спастися
душам нашим.

Слава, и ныне, Богородичен или праздника.

НА УТРЕНИ

На Бог Господь: тропарь святому, дважды.
Слава, и ныне, Богородичен или праздника.

По 1-м стихословии седален, глас 4.

Подобен: Вознесыйся:

Днесь святителя Христова Нифонта память
возсия нам,/ солнцобразно лучами сияюща,/
светоявлением и учением своим всех простирает к
добродетели и глаголет:/ приидите, желаемых
насладитесь.

Слава, и ныне, праздника или Богородичен:

Стена еси непобедимая нам, христианом, Бого-
родице Дево,/ к Тебе бо прибегаем, невредими
пребывающе,/ и, паки согрешающе, ймамы Тя
Молитвенницу,/ тем, благодаряще, вопием:/ ра-
дуйся, Обрадованная, Господь с Тобою.

По 2-м стихословии седален, глас 3.

Подобен: Божественныя веры:

Яко солнце пресветлое, возсиял еси/ великому
Новуграду и Псковстей земли добродетельми
своими,/ и сиянии светлых учений своих просветил
еси верных составы,/ и потребил еси страстей

омрачение, отче святителю Христов Нифонте, / моли Бога даровати нам велию милость.

Слава, и ныне, праздника или Богородичен:

Божественная бысть сень Слова, едина Пречистая Богомати, / чистотою Ангелы превозшедши, / паче всех мене, персть бывша, осквернена плотскими прегрешении, / очисти молитв Твоих Божественными водами, / подаючи, Чистая, велию милость.

По полиелеи седален, глас 8.

Подобен: Премудрости:

Смирномудрен был еси, отче святителю Христов Нифонте, / темже прославися, яко Божественный архиерей / принося жертву пожершемуся за нас волею Христу Богу нашему, / Того моли, отче честный, грехов оставление даровати нам, рабом твоим, / чтущим любовь Божественную память твою.

Слава, и ныне, Богородичен:

Обновила еси, Пречистая, Божественным рождеством Твоим / истлевшее страстьми земнородных умерщвленное существо / и возставила еси всех к жизни нетления, / темже Ты по долгу вси ублажаем, Дево Препрославленная, и вопием Ти: / моли Христа Бога согрешений оставление даровати / воспевающим достойно славу Твою.

Таже степенна, 1-й антифон 4-го гласа. Прокимен, глас 4: Уста моя возглаголют премудрость / и поучение сердца моего разум. Стих: Услышите сия, вси языцы, внушите, вси живущии по вселенней. Всякое дыхание: Евангелие от Иоанна, зачало 35 от полу.

По 50-м псалме стихира, глас 6:

Человече Божий, / верный рабе, / святителю Христов, отче Нифонте, / слуго Господень, / муже желаний, / сосуде избранный Христов, / столпе и утверждение Церкви Христовы, / не престаи моляся о нас, рабах своих, ко Господу.

Канон праздника со ирмосом на 6 и святителю на 8, нося краегранесие сиецев: Иноком столп и

святителем красота, да поётся блистательный Нифонт. **Творение священноинок Варлаама мниха. Глас 4.**

Песнь 1

Ирмос: Моря чермную пучину / невлажными стопами / древний пешешествовав Израиль, / крестообразными Моисеевыми руками / Амаликову силу в пустыни победил есть.

Скверну прегрешений моих очисти Твоею милостию, Христе, / мглу омрачения страстей отжени / молитвами святителя Твоего Нифонта.

Богатыя и светоносныя благодати исполнен, / в честном месте Печерския обители иночествовал еси / и тамо, яко безплотен, к добродетелем приведу ум свой, / отче чудне Нифонте.

Крепостию наставлен быв от Духа Святаго измлада, / в ограде преподобных отец Антония и Феодосия пребыл еси во всяцем воздержании / и оттоле на архиерейский престол возведен бысть Великому Новуграду, / отче святителю Нифонте.

Богородичен: От Тебе, Обрадованная Всечестная, / нам явися Праведное Солнце — Христос / и светом просвети седящая первее в твердех*.

Катавасия праздника.

Песнь 3

Ирмос: Веселится о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.

Умертвив плотское мудрование воздержанием зельным, / и всеночным стоянием, и молитвами, отче священне Нифонте, / Животворящему Духу приблизился еси.

Божественнаго Духа благодатию, вшедшаго в тя, / многи ограды и храмы во имя святых воздвигл еси, иноческому чину во спасение, / и с ними, отче священне Нифонте, / в райских селениях предпочил еси, веселяся.

На высоту добродетелей вшел еси, Нифонте святителю, / и, прияв священное помазание, / вы-

* в твердех — в темницах

сотою своего житія на седáлице высóце / послу-
жил еси своему Влады́це Христу́, яко архиерей
вели́кий.

Церковь Христо́ва светильника ты стяжавши,
святителю Нифонте, / добродетельными твоими
учении, премудре, просвещается, глаголющи: / Ты,
Господи, ми крепость и утверждение.

Богородичен: Ты еси еди́на сущим на земли́
человеком благая Ходатаица, / Мати Божия паче
естества, / темже Тебе́, Госпоже́ Влады́чице, лю́дие
Твой, радуяся, зовём: / помилуй нас.

Седáлен, глас 4.

Подобен: Скоро предвари́:

Светло жити́е твоё всем яви́ся, святителю Хри-
стов Нифонте, / всепразднственная же па́мять
твоя́, чудесы́ блиста́ющи, / удивляет сто́льнаго
града́ Кіева наро́ды, / иде́же честны́я твоя́ мо́щи
положе́ны бы́ша, / и ино́к мно́жества ревнующих
по Бо́зе добродетельному твоему́ жити́ю, / темже ты
мо́лим: / моли́ спасти́ся душа́м на́шим.

Сла́ва, и ны́не, пра́здника или́ Богородичен:

Поём Тя, Богоневесто, Мати Христа́ Бо́га, /
сла́вяще рождество́ Твое́ непостижи́мое, / имже
избавихомся от лести́ диа́воли и вся́кия беды́,
Влады́чице Богородице, / и ве́рно вопи́ем Тебе́,
Госпоже́, раби́ Твой: / помилуй ста́до Твое́, Еди́на
Пренепоро́чная.

Песнь 4

Ирмос: Любве́ ра́ди, Ще́дре, Твоего́ о́браза, / на
Кресте́ Твое́м стал еси́, / и растая́шася язы́цы, / Ты
бо еси́, Человеколю́бче, / крепость моя́ и хваление́.

Всечестны́я твоя́ мо́щи, святителю Нифонте, /
дом Пресвята́го Ду́ха бысть, / во грóбе бо лежа́ со
отцы́ Кіевския пещеры́, / ду́хи лука́выя от человек
прогоня́еши / сілою́ Иже в тебе́ живу́щаго Ду́ха
Свята́го.

Отверзо́шася тебе́, óтче, святителю Христов
Нифонте, Еде́мския двéри / ра́ди добродетельнаго
жити́я твоего́ к Бо́гу и чистоты́, / и к святителем
приложися, святителю, / перво́родных Цérкви со-
четáся, достосла́вне.

Просвещается красотой и званием Небесных сияний престол, / иже на земли Великаго Новграда оставил еси, святителю Нифонте, / и наследие нетленно в земли кратких, / яко краток, восприял еси со святыми.

Богородичен: Иже во Твою утробу, Дево, Богоприятную / паче естества вселившийся Христос Бог наш, / Сей по рождестве Божественною силою Своею / Тя, Деву, соблюде Пречисту.

Песнь 5

Ирмос: Ты, Господи, мой Свет, / в мир пришел еси, / Свет Святыи, обращаи из мрачна невѣдения / верою воспевающия Тя.

Яко велико облистал еси солнце, от славнаго великаго Новграда / зарею словес твоих и чудес, сияние испущая во всю Русскую землю, / Нифонте отче, святителю Божий, / и вся озаряя, благочестно тя ублажающия.

Паче меда услаждающее, Великаго Новграда народом / познася учение медоточнаго и чистаго твоего языка, / сим наслаждающее души священными исповѣданими / и греховную сим показующее горесть, / досточудне отче, священне Нифонте.

Слава святителем и верным людем заступник войстинну ты еси, / стране нашей на враги испроси победы и одоление / и во благочестии утверди ны непоколебимы, / отче досточудне Нифонте.

Богородичен: Все роди человечести благочестно блажат Тя, Госпоже Пречистая Богородице, / войстинну рождшую паче естества и слова / Блаженнаго нам Господа, Сына Божия.

Песнь 6

Ирмос: Пожру Ти со гласом хваления, Господи, / Церковь вопиет Ти, / от бесовския крове очищися / ради милости от ребр Твоих / истекшею Кровию.

Премудрости рачитель быв Божественный, / Богодуховенне отче священне Нифонте, / и благочестия венцем венчаяся, и всеми образы и дела / ученик быв светоносным отцем Антонию и Феодосию.

Желание твоё к Богу исполнися, / преславне святителю Христов отче Нифонте, / преста́ви бо ся к Немú, Божественно радуясь, / в немерцающий свет и в непреходимую радость, / и ныне светлости святых, отче, зриши и красоты.

Благоле́пия венцем украшен, сияеши ныне, святителю Нифонте, / яко истинный архиерей, правдою войстинну оде́ваясь, / и предание Спасово возлюбил еси, / темже и званію* Божественному последовал еси, вопиюще ти: / вниди в радость Господа своего.

Кроток, и незлобив, и милостив во всей жизни своей, отче Нифонте, был еси, / Владыки своего Христа стопам следуя, / землю кротких со святыми достигл еси, / сего ради ты соборы благочестивых воспевают Божественными пёснями.

Богородичен: Клятвы первыя праматери Евы / рождеством Твоим, Госпоже, Девіце Чистая, свободихомся, / Ты бо, Христа рождши, Дево, / благословение всем источила еси.

Конда́к, глас 8.

Подобен: Взбранной:

Возложив себе от юности Богу, преподобне, / мир тленных нивоттоже вменив / и паче всех Христа возлюбив, / Тому от всея души любовью последовал еси / и, яко светозарное солнце, / от Киева просия во вся концы Русския земли добродетелию, / и бысть пастырь великому Новуграду, / и, добре упас стадо Христово словесных овец на пажитех духовных, / к Богу отшел еси, / и ныне со Ангелы Владычню Престолу предстоя, / нас поминай, раб своих, да зовем ти: / радуйся, отче Нифонте, / святителем изрядная похвало.

И́кос:

Человек бо сый естеством, отче, / но паче человека подви́зася постом и бдением, в молитвах и трудех / образ многим бысть, / сего ради ты Бог архиерея церкви Своея Премудрости Божия устро́яет / и великаго Новуграда людем неленостна учителя, / темже ты молим: / моли́ся, архиерею,

* звание — призыв, мольба

Благодѣтелю всех Бóгу / даровати побѣды на врагѣ / и нам обрести милость в День Сýднѣй, / да велегласно тебѣ вопиѣм: / радуйся, óтче преподобне, иже измлада Господень ярѣм взем, / демонов победил еси полки молитвами своими; / радуйся, в Богохранимом граде Псковѣ обитель превелику и чудну устроивый над Мирожью рекою / во славу Боголѣпнаго Преображенія Христова / и инокъ множество собравый славити Бóга. / Радуйся, иже сподобился еси в видѣнии видети в Божественном алтарѣ Антонія и Феодосія Печѣрских, / возвещających твоѣ отшествие к Бóгу; / радуйся, сподобивыйся со блаженными отцы Печѣрскими честным твоим мощем положенным быти, / идеже иго Господне прият. / Радуйся, óтче Нифонте, святителем изрядная похвало.

Песнь 7

Ирмос: В пещи Авраамстии óтроцы персидстей, / любовью благочестия паче, / нежели пламенем, опаляеми, взываху: / благословен еси в храме славы Твоея, Господи.

Божественная и пресветлая пáмьять твоя, святителю Нифонте, / яко светозáрное явися со́лнце, / светонóсно просвещáющее вѣрныя лю́ди великаго Нова́града, / иже без сумнѣния Христо́ви вопи́ющия: / о́тецъ на́шихъ Бóже, благословен еси.

Уста́вы о́теческия утверди́л еси, му́дре óтче Нифонте, / цѣрковь Премудрости Бóжия священства лѣпотами преукрасил еси / и сохрани́л еси ю́ учѣнии своими невоевáнну*, / наказуя́ взывати: / о́тецъ на́шихъ Бóже, благословен еси.

Киевска мѣста яко досто́ин еси, / и та́мо положѣно бысть в пещѣре честное́ тѣло твоѣ, святителю Нифонте, со отцы, / дух же твой возлетѣ на Небеса́, / со Ангелы и апóстолы и со святители ликовствуя, / Святѣй Трѣице предсто́я, моли́ся прилѣжно за град и лю́ди твоя́, свя́те, Христу́ вопи́ющия: / о́тецъ на́шихъ Бóже, благословен еси.

Богородичен: Вѣшняго освященное Божественное селѣние, раду́йся, / Тобóю бо даде́ся радóсть, Богородице, зовущим: / благословенна Ты еси в женахъ, Всенепорóчная Влады́чице.

* невоеванну — незавоеванную

Песнь 8

Ирмос: Руце распростёр, Даниил / львов зияния в рове затчѣ; / огненную же силу угасиша, / добродетелию препоясавшеса, / благочестия рачители, отроцы, взывающе: / благословите, вся дела Господня, Господа.

На Небесѣх чинове Ангельстии ликуют, / и на земли верных соборы светло празднуют / память твою, святителю Христов Нифонте, веселящеса и глаголюще: / честна пред Господем смерть преподобных Его, и песньми славяще Христа: / благословите, вся дела Господня, Господа.

Киевстии священнии, и иночестии соборы, и прости людие, / преславне святителю Христов Нифонте, воспевают тя / на месте, идеже лежит тело твоё, / источающее исцеления струй, и страсти потопляющее, / и верных сердца орошающее Божественною благодатию: / благословите, вся дела Господня, Господа.

Чисто житие своё скончал еси, / Чистыя Девы Богородицы войстинну служитель бысть / и святитель Божии истинен, / ревнитель Православия и священство вере, / и стена людем избранным, Богоблаженне.

Богородичен: Стрясаем прах мертвенный, нетленни бывше, / Божественным рождеством Твоим, Пречистая, / естественную бо истинную Жизнь и присносущную, Чистая Владычице, родила еси, / темже Тя благословим, Марие Богоневестная: / благословите, вся дела Господня, Господа.

Песнь 9

Ирмос: Камень нерукосе́чный / от несеко́мья горы, Тебе, Дево, / краеугольный отсече́ся, / Христос, совокупивый разстоящаяся естества. / Тем, веселящеса, Тя, Богородице, величаем.

Днесь день праздничный, / память твоего преставления, Христов святителю Нифонте, / созывает святителей соборы, иноков стада / на веселие духовное и трапезу негибнующия снеди, / пищу нетленных жизни предлагая нам.

Чистым сердцем и Божественным восхождением / ум свой вперив, Единого Бога

зрѣти доброту сподобился еси / и отгуду светолі-
тием просвещаети верныя, / Богомудре святителю
Христов, Нифонте священне.

Обители, в нейже сподобился еси ярѣм Христов
прийти, / вся дни свой верою и духом, кроме
телесѣ, неразлучен, отче, пребыл еси, / темже и по
преставленіи своем тамо сподобился еси
положитися, / идеже чудесѣм дарования от Господа
приял еси, / святителю Христов Нифонте.

Днесь пресветлая память твоѧ, святителю Нифонте,
возсиявши, / всех верных сердца
просвещает, / темже и о пѣние произведшему ти
моли Христа Бога, / сохранитися ему от лукаваго
ловленія / и получитьи милость в День Судный.

Богородичен: Источник безсмертія нам источила еси,
Дѣво, и оставленія воду, / Христа рождши,
Имже очищаемся от всякия скверны греховныя, /
Богоневѣсто, Мати Христова.

Светилен:

Благодать Святаго Духа, всельшаяся в тя, /
святителя тя показати истинна, / Христос тебе вручи
стадо Своѣ паствити на пажитех духовных, / сего
же ради потщался еси наставляти люди / и ныне
на Небесѣх живѣши, радуяся.

Слава, и ныне, Богородичен:

По Бозе упованіе имущѣ на Тя, / Пречистая
Богородице, молим Ти ся: / ко из Тебѣ Рождшемуся
мольбами / невредимы нас до конца сохрани.

На хвалитѣх стихирѣ, глас 2.

Подобен: Егда от Древа:

Воздержаніем страсти плотскія, / отче пречестный
и святителю Христов Нифонте, / помыслу
поработил еси, / безстрастія быв красен сосуд,
преблаженне, / вмѣстен животным сияніем, / и
священія масть* приим от руки Господни, / и
бесовскія полки потребил еси, / и страстѣм прогонитель
явлься, досточудне.

Чистая мироположница Божественнаго Духа, /
отче святителю, был еси / и чудесѣм источник
незавѣстен всем явися, / инокующим столп и

* масть — помазание

святителем красота / и кратко́го своего́ Учи́теля
Христа́ подража́тель те́плый, / те́мже, земный́ А́н-
гел и Небе́сный челове́к быв, / да восхва́лится
ны́не священными́ пе́снями / святитель Христо́в
Ни́фонт.

В безмо́льное приста́нище / Пече́рския оби́тели
Пречи́стыя Богоро́дицы дости́гл еси́, / и та́мо,
душе́вный твой кора́бль / жите́йского мяте́жа
устрани́в, / я́ко от волн морских, отбега́я ми́ра, /
и́же к Бо́гу манове́ньми от земли́ возлете́, / и яви́ся
плóтию А́нгелом подо́бен / и всем челове́ком
сла́вен, / о́тче святителю Христо́в Ни́фонте.

Сла́ва, глас 6:

Излия́ся благода́ть во устну́ твою́, / преподо́бне
о́тче, святителю Христо́в Ни́фонте, / и бысть
па́стырь Христо́вы це́ркви Прему́дрости Бо́жия
Вели́каго Нова́града, / уча́ наро́ды, словесны́я
о́вцы, ве́ровати в Единосущную́ и Нераздели́мую
Тро́ицу / во Еди́ном Божестве́.

И ны́не, пра́здника.

Славосло́вие вели́кое и отпу́ст.

НА ЛИТУРГИИ

Блаже́нны пра́здника и от канона́ свята́го песнь 3-я на 4.
Прокі́мен, глас 4: Уста́ моя́ возглаго́лют прему́дрость / и
поуче́ние се́рдца моего́ разу́м. **Стих:** Услы́шите сия́, вси
язы́цы, внуши́те, вси, живу́щии по вселенной. **Апо́стол ко**
Евре́ем, зача́ло 318. **Аллилу́ия, глас 2:** Уста́ пра́веднаго
поуча́тся прему́дрости. **Стих:** Зако́н Бо́га егó в се́рдце егó, и
не за́пнутся стопы́ егó. **Ева́нгелие от Ио́анна, зача́ло 36.**
Прича́стен: **В** па́мять ве́чную:

**Святитель Ни́фонт, архиепи-
скоп Новгородский,** уроженец Ки-
ева, принял монашеский постриг в
Киево-Печерском монастыре при
игумене Тимофее. Своей подвижни-
ческой жизнью в посте и молитве
святой Ни́фонт снискал себе великую
славу богомудрого и преданного слу-
жителя Божия. В 1131 году, когда
епископ Новгородский Стефан после
двадцатилетних архипастырских
трудов оставил свою кафедру и уда-
лился на безмолвие в монастырь, по
изволению Божию и единодушному
решению новгородцев на эту кафедру

был возведен преподобный Ни́фонт,
епископская хиротония которого со-
стоялась в Киеве. Одной из первых
забот святителя Ни́фонта стала забота
о прекращении междоусобных бра-
ней и водворении мира между рус-
скими князьями. В 1135 году ему
удалось предотвратить казавшееся
неминуемым столкновение между
Киевом, Черниговом и Новгородом.
Его святительские слова, обращен-
ные к соперничавшим князьям, неод-
нократно способствовали утвержде-
нию мира и в дальнейшем. Святитель
Ни́фонт уделял большое внимание

церковному строительству, содействовал украшению старых и возведению новых храмов. Вскоре, после его возведения на епископскую кафедру, был заложен в центре Новгорода белокаменный храм в честь Пресвятой Богородицы, а знаменитый новгородский храм Софии Премудрости Божией благоуукрашен иконами, и крыша храма покрыта оловом. В 1156 году святителем Нифонтом была основана Спасо-Мирожская обитель в пойме двух рек — Великой и Мирожь, с соборным храмом в честь Преображения Господня, сооруженным несколько ранее. Будучи строгим блюстителем церковных правил, святитель Нифонт не побоялся гнева новгородского князя Святослава Ольговича и отказался благословить его на противозаконный брак. Когда же князь был все-таки венчан неподвластными Новгородскому епископу иереями, святитель Нифонт публично осудил Святослава в законопреступлении. Твердость и верность церковным канонам святитель проявил и в 1147 году, когда по кончине митрополита Киевского Михаила на кафедре митрополита был возведен Климент, избранный без необходимого в то время благословения Константинопольского Патриарха, по своевольному решению великого князя Киевского Изяслава Мстиславича. На созванном великим князем архиерейском Соборе, в котором участвовали Преосвященные иерархи Онуфрий Черниговский, Феодор Белгородский, Евфимий Переяславский, Дамиан Юрьевский, Феодор Владимирский, Мануил Смоленский, Иоаким Туровский и Косма Полоцкий, святитель Нифонт решительно выступил против незаконного волеизъявления Изяслава Мстиславича и предупредил епископов о неотвратимости Божией кары за отступление от церковных правил. Несмотря на то, что бесстрашному иерарху удалось склонить на свою сторону пятерых из участвовавших в Соборе епископов, Киевскую кафедру занял митрополит Климент. Ожесточившись на святителя Нифонта за отказ служить вместе с ним Божественную литургию, митрополит Киевский пожаловался на него велико-

му князю Изяславу, который распорядился не отпускать святителя в Новгородскую епархию и заточить его в Киево-Печерский монастырь. Это решение святитель Нифонт принял со смирением, благодаря Господу за возможность вернуться «к безмолвному своему житию со святыми». После того как великий князь Изяслав Мстиславич был низвержен с Киевского престола князем Георгием Мономаховичем, святитель Нифонт вновь получил в управление Новгородскую епархию. Действия епископа в защиту патриарших прав были вознаграждены: новый Патриарх Константинопольский Николай IV направил святителю одобрительную патриаршую грамоту, в которой сравнивал его с первыми святыми отцами, твердо стоявшими на защите Православия. В 1156 году, узнав о прибытии в Киев нового митрополита Константина, получившего посвящение и назначение на Киевскую кафедру в Константинополе, епископ Нифонт принял решение отправиться в Киев, чтобы приветствовать законно избранного митрополита и одновременно поклониться чудотворной Киево-Печерской иконе Божией Матери и святым мощам преподобного Феодосия Печерского. В Киев святитель остановился в Печерском монастыре, где за три дня до постигшей его болезни удостоился чудного видения: во сне ему явился преподобный Феодосий со свитком в руке, на котором было написано: «се аз и дети, яже ми дал есть Бог». Благодаря этому явлению преподобного, святитель Нифонт воспринял свою болезнь как милость Божию и, перенося ее со смирением и радостью, отошел с миром ко Господу в субботу Светлой седмицы, на тринадцатый день после начала болезни. Святитель Нифонт был погребен в Киево-Печерском монастыре, в пещере преподобного Феодосия. Впоследствии его святые мощи были перенесены в Антониевские пещеры. Святитель Нифонт является автором нескольких житий Киево-Печерских угодников, ему приписывается продолжение Несторовой летописи после Сильвестра, с 1116 по 1157 годы.

**Преподобнаго Руфа,
в Дальних пещерах почивающаго**

Тропарь, глас 8:

Послушание святое, нарицающееся живот, / преподобне отче Руфе, прием, / живот вечный оным постигл еси, / идеже живя, не забуди и нас, хвалящих тя.

Кондак, глас 6:

Честна смерть твою, преподобне Руфе, пред Господем, / честне бо и преподобне жизнь твою в послушании святом препроводил еси. / Тем ты убо почитаем, / яко послушником образ и наставник.

Преподобный Руф, затворник Печерский, жил в XIV веке. Он был иноком Киево-Печерского монастыря. Среди подвижников обители преподобный Руф особенно отличался послушанием, он прославляется как

образец постников и трудолюбцев. Преподобный Руф погребен в Дальних пещерах. Память его празднуется также 28 августа — в день памяти святых отцов, почивающих в Дальних пещерах.

